

نيقوديموس

1 كان واحد الراجل مالفرّيسيين واسمو نيقوديموس، كان رايس اليهود،² جا لعند يسوع فالليل وقالو: "سيدي، رانا عارفين باللي أنت شيخ جاي من عند الله، خاطر واحد ما يقدر يدير هاد المارات اللي راك تدير ايلا ماكانش الله معاه."³ واجب يسوع وقالو: "تقولك الصّح الصّح: لو كان الواحد ما يزدادش مالفوق، ما يقدرش يشوف ملكوت الله."⁴ قالو نيقوديموس: "كيفاش يزداد الراجل وهو كبير فالعمر؟ يقدر يدخل مرّة تانية لكرش يمّاه ويزداد؟"⁵ واجب يسوع: "تقولك الصّح الصّح: لو كان الواحد ما يزدادش مالمال والروح ما يقدرش يدخل لملكوت الله."⁶ اللي نزل مالدات هو دات، واللي نزل مالروح هو روح.⁷ ما تستغربش كي قُلتك: "لازم أنتوم تزدادو مالفوق،⁸ الريح يصفر وين يحب، وتسمع الصوت تَعو، بصّح ما تعرفش منين يجي ولا وين يروح، هكذا كل من يزداد مالروح".⁹ جاوب نيقوديموس وقالو: "كيفاش يقدر يكون هاد الشي؟"¹⁰ جاوب يسوع وقالو: "أنت شيخ إسرائيل وما تعرفش هاد الشي؟"¹¹ تقولك الصّح الصّح، نهّدرو واش نعرّفو، ونشّهو بواش نشوفو، وما تقبلوش شهادتنا،¹² تقوللكم الحاجات تَع الأرض وما تامنوش، كيفاش رايعين تامنو لو كان تقوللكم عالجات تَع السّما؟¹³ واحد ما طلع للسّما من غير اللي هبط مالسّما، ابن الإنسان،¹⁴ وكما رفع موسى الحنّس فالخلا، هكذا لازم يترفع ابن الإنسان،¹⁵ باش كل من يامن بيه ينال الحياة الدائمة.¹⁶ خاطر هكذا حب الله الدّنيا، حتّى عطا بنو الوحيّد، باش كل من يامن بيه ما يضيعش، وتكونلو الحياة الدائمة.¹⁷ والله ما بعّتش وليدو للدّنيا باش يحاكم الدّنيا، بعّتو باش بيه تسلك الدّنيا.¹⁸ اللي يامن بيه ما يتحكّمش عليه، بصّح اللي ما يامنش بيه راهو تحاكم، خاطر ما آمنش باسم ابن الله الوحيّد.¹⁹ وهذا هو الحكم، النور جا للدّنيا، وبني آدم حبّو الضّلام في عوض النور، خاطر عمالهم كانوا دونيين،²⁰ خاطر كل من يدير الشرّ، يكره النور، وما يجيش للنور باش ما ينكشفوش عمالو،²¹ بصّح اللي يدير الحقّ يجي للنور، باش يبانو عمالو، خاطر ندارو فانّ الله.

يوحنا في عين نون

22 بعد هدا، راح يسوع والتلاميذ تَعو لأرض اليهوديّة، وقعدتّمّة معاهم وكان يعطّس.

23 وكان يوحنا تاني يُعْطَس في عين نون، قريب من ساليم، خاطر كان بزّاف الما نمة
وكانو يجيو يتعطسو، 24 ويوحنا كان مازال ما نحبسش. 25 صرات هدرّة بين التلاميذ
تّع يوحنا وواحد يهودي على أمر التّطهير، 26 وراحو لعند يوحنا وقالولو: "شيخ، هاو
اللي كان معاك مالجيّهة الأخرى تّع واد الأرثن واللي شهّدتلو، راهو يُعْطَس وكامل راهم
يروحو ليه" 27 جاوب يوحنا وقال: "ما يقدرش بنادم يدي حاجة ولا ما أتعطتلوش
مالسما، 28 أنتوم بالدات تشهدو باللي قلت أنا ماشي المسيح، أنا مرّسول قبلو. 29 اللي
عندو العروسة هوّ العريس، بصّح حبيب العريس اللي يكون هنا ويسمعلو، يفرّح بزّاف
وهوّ يسمّع صوت العريس، وفرحتي هدي هي وراهي كاملة، 30 لازم هوّ يكبر وأنا
ننقص. 31 اللي جا مالفوق، هوّ فوق الكل؛ واللي مالارض، هوّ مالارض ويهدر على
حساب الأرض. اللي جا مالسما، هوّ فوق الكل، 32 يشهد بواش شاف وسمّع، وواحد ما
يقبل شهادتو، 33 اللي يقبل شهادتو، يستعرف باللي الله حق، 34 اللي بعتو الله يقول كلام
الله، خاطر الله ما يمدش الروح بالحساب، 35 الأب يحب الإبن وعطالو كل شي في يدو،
36 اللي يامن بالإبن، عندو حياة دائمة، بصّح اللي ما يقبلش يامن بالإبن، ما يشوفش
حياة ويكون عليه غضب الله".